

Tony Pua : Najib utamakan keuntungan Mydin berbanding kualiti KR1M
The Malaysian Insider
16 Januari , 2012
Oleh Mohd Farhan Darwis

KUALA LUMPUR, 16 Jan — Setiausaha Publisiti Kebangsaan DAP, Tony Pua menegaskan, kenyataan Perdana Menteri Datuk Seri Najib Tun Razak berhubung dakwaan kritikan Pakatan Rakyat (PR) terhadap Kedai Rakyat 1Malaysia (KR1M) telah meningkatkan jualan barangannya ternyata menunjukkan bahawa Najib lebih mengutamakan keuntungan Mydin berbanding kualiti barangan yang terdapat di kedai berkenaan.

Ahli Parlimen Petaling Jaya Utara ini dalam satu kenyataannya kepada The Malaysian Insider hari ini menegaskan Najib tidak memperdulikan keselamatan dan kesihatan rakyat sebaliknya, perdana menteri menggalakkan PR memberikan komen negatif kerana dengan itu ia mampu meningkatkan jualan di KR1M.

"Menteri Kesihatan, Datk Seri Liow Tiong Lai telah menunjukkan beberapa contoh barangan di KR1M yang mengandungi bahan-bahan yang mampu meudaratkan kesihatan, seperti susu segar 1Malaysia yang mengandungi bakteria Escherichia coli (E.coli), yang mampu menyebabkan keracunan makanan dan boleh membawa kematian.

"Selain itu, susu tepung tumbesaran kanak-kanak setahun dan ke atas yang mengandungi kandungan berlebihan Vitamin A, dan juga dua barangan lain Sos Tiram, dan Krimer Pekat Manis-yang disahkan menyalahi Akta Peraturan Makanan 1985 juga tidak melihatkan sebarang tindakan Najib menghalang peniaga dan pengeluar yang melakukan pelbagai kesalahan, malah dilihat tidak mengambil sebarang tindakan," tegas Tony.

Semalam, perdana menteri dalam kenyataannya menyebut barangan di KR1M semakin mendapat sambutan selepas menerima kritikan daripada pembangkang.

Malahan, beliau turut menggalakkan pembangkang untuk terus mengkritik KR1M kerana tindakan itu akan membawa lebih ramai pelanggan untuk mengunjungi kedai berkenaan.

Najib turut menolak dakwaan pembangkang bahawa barangan KR1M menyalahi peraturan kesihatan makanan seperti yang ditetapkan Kementerian Kesihatan, dan turut mengumumkan akan membuka 85 cawangan KR1M di seluruh negar tahun ini.

"Kemana sahaja saya pergi, orang ramai termasuk wakil rakyat pasti akan bertanya bila kawasan mereka akan ditempatkan KR1M," katanya semalam dan turut memberitahu bahawa KR1M di Pekan akan menjadi KR1M terbesar di negara ini.

KR1M pertama di lamcarkan pada Jun tahun lepas bagi mengatasi masalah kenaikan harga barang yang membebankan pengguna dan rakyat.

tungan-mydin-berbanding-kualiti-kr1m/